

修武縣志卷五

修武縣知縣馮繼照纂輯

學校志

學官

鄉飲

書院

義學

國家崇儒重道直省各州縣立學宮尊祀孔子又設儒學正副官以修祭典而髦士之升於學者以時觀禮弦誦於其中典至鉅也其在鄉者曰義學無定額皆一鄉之好義者捐資以教鄉子弟在邑者曰書院則擇弟子員之尤異者及義學之鄉子弟入焉延明師具館穀以訓誨之月等第其上下其於明倫設教之意可謂備矣久或視為具文而宮牆頽廢俎豆無存書院義學亦皆名存實廢學之

修武縣志

卷五

學校志

學官

一

不講而欲化民成俗其可得乎修邑學宮修於道光五年規模宏敞書院義學邑紳士好義捐輸經費無闕鼓舞振興相承不廢余既為邑人幸而又恐其後之無所考也故詳敘其興廢之由禮儀之節與夫錢穀出入之多寡以俟後之君子云

學宮

在縣署西

據元李天秩文廟碑記舊在縣署南不知何時移於西

金天會中

縣令翟中舍建元至元十年達魯花赤蒲察企仁

重修

有王惲記

至大辛亥縣尹閻珪重修

有李天秩記

明永

樂十年知縣劉昭改建大成殿明倫堂東西齋房各五間大成門戟門各三間東西廡各七間成化

二十二年知縣冷宗元建東饌堂三間泮池舊在櫺星大成兩門之間明萬曆十九年知縣邵炯開路於門之正南移泮池架石橋於上

國朝康熙六年知縣仇鳳翀重建東西兩廡各七間十二年知縣宋師祁重修明倫堂三間二十年知縣李啟泰重修泮池竝櫺星門戟門各三間聖域賢關兩坊二十七年知縣張明遠重修四十七年知縣黃亮可重修大成殿五十四年知縣錢宗禹重修五十六年通判高士鑰署縣事重修東廡知縣鄒權重修西廡乾隆五年知縣劉建吉重修戟門泮池明倫堂建大成門圍牆東西齋房各三間

修武縣志

卷五

學校志 學宮

二

移聖域賢關坊於南二十二年知縣吳映白重修櫺星門三十六年邑被水前後皆圯三十年知縣戈雲錦重修道光五年知縣鄒光曾葺

大成殿重修戟門三楹戟門之東西偏各南嚮房三楹舊爲更衣齋戒所改東爲名宦祠西爲鄉賢祠另起更衣齋戒所於櫺星門兩偏改大成門爲照壁又建德配天地道冠古今坊二泮池橋道皆用甃修砌

大成殿中恭縣康熙二十五年

御書萬世師表額雍正二年

御書生民未有額乾隆二年

御書與天地參額嘉慶三年

御書聖集大成額道光三年

御書聖協時中額

明倫堂後舊有和鳴堂尊經閣敬一亭三文公祠射圃神廚神庫號舍各廢址為土人所占康熙五十四年知縣錢宗禹及闔邑紳士捐資贖回乾隆十五年準學院林枝春題易聖像為木主瘞像其處

崇聖祠在大成殿東明萬歷中知縣趙可學建國朝康熙二十八年知縣張明遠重修五十二年知縣黃亮可重修

修武縣志

卷五

學校志

學官

三

元內翰王惲重修廟學記

惲汲縣人

覃懷風土距太行之陽川平氣淑山水秀麗而遠舒發於甯者為多故人傑地靈自昔無荒寒僻野之陋至元壬午冬前州將劉侯與予同在京師間相會談及縣之廟學興替本末告予曰廟自宋歷今雖制量不齊隨時徙建甚備罹壬辰雲擾俎豆不遑賴先師家府為主張是故已圯者隨葺堅完者俾勿壞迺以有道王君文玉陳君友雷趙君宜中輩前後領筦得巋然存於兵燼之餘至元癸酉不肖自鄭秩滿來歸顧殿廡肖像歲月滋久風雨侵剝黷昧狼籍適倡帥官庶日以修治崇飾為事

御史柏德思孝又從而贊焉經調官蒲陽彭三明府十年閒皆次第而作新之遂延致教官日誘諸生講肄於中復申請有司得灑埽十餘人春秋奠獻鐘鼓鏗鏘禮容升降蓋肅如也僕之素願雖畢而明德新民之教尙未敢議也予曰不然郡邑之政有似緩而急者學校是也學校者三代之所以明人倫也人倫明於上則小民親於下其所以關係風化顧不的然而彰歟若夫山川英華之氣氤氳開闢鍾奇孕秀曾無今昔醇漓之間至於涵養薄俗作成善類實庠序基而本之後之來者復能尊崇勉勵以極菁莪樂育之美異時人材輩出如流照映一時誠不難矣劉侯曰有味哉子之言也請筆之歸而刻諸麗石庶幾有讀斯文而興起者焉

元李天秩重修文廟記

略云修武廟學在縣治之南廣袤數百步地勢爽塏可以宅神妥靈也考廟碑當金天會中縣令翟中舍進士王紹祖實始建基凡禮殿三楹擬先聖鄒克二公下逮十哲神像及兩廡端門講堂碑亭獲存於壬辰劫火之餘豈非神物護持而然邪哉在承平風俗淳粹人材輩出是以廟學甲於他邑

也逮天啟皇元奄有區夏戡武功而尚文治至元
十禩縣尹蒲察企仁憫其經歲久遠土木崩摧慨
然以興復爲任其經始落成內翰王公述之已具
歲踰三紀政歷數輩時有增葺復有以斯爲不急
漫不加省日浸摧廢是爲不知務也至大己酉承
事閭公來尹是邑能廉好義勤政卹民顧其廟貌
弗稱神居至大辛亥秋七月迺興厥功取資於官
庸力於民自禮殿以降缺者補傾者正腐者新圯
者築塗丹雘飾粉藻輪焉奐焉仍命繪七十子及
十大儒像袞冕章黻以備春秋之祀禮也先是大
德丁未秋七月聖朝加諡夫子大成徽號詔告天

修武縣志

卷五

學校志 學官

五

下公爲磨堅珉書盛事樹豐碑端門之右又嘗課
農俾立鄉校以風民俗庠舍旣成文石紀績己龕
於壁八月上丁工以廟備來告公率僚屬諸儒釋
奠於庭元弁朱裳享獻如禮觀之者雲集鱗次曰
美哉斯役昔僖公復泮於魯文翁興學於蜀亦弗
多愧旣卒其事具宴以歆神胙予適陪位諸儒合
辭起曰今邑宰閭公崇飾學宮敦尚文教集子弟
之俊秀者就學弦誦洋洋爲今美觀自昔迄今百
有餘歲迭興迭廢而次第之難若此學必有記以
誌本末幸吾子文之予不敏曷敢辭公諱珪字用
之晉寧人莅事三載籍籍有聲推此則他政可卜

矣時元至大四年歲次辛亥秋八月二十二日立石

明縣人進士周佑修武縣新開泮池記

略云由縣治折而西五十步而近爲文廟枌蓂具載志乘歲久浸壞室宇圯敝不任風雨泮池又在櫺星樹戟之間湫隘迫塞故昔之比舍咿唔聲徹於旦今則鞠爲茂草昔之登春秋榜者科不乏人今八十年而遠望若河清矣萬曆辛卯督學使者周公校修武士大爲稱賞訊科第事驚且疑久之及文旄東指過學故處憮然曰地氣與文運通惡有迫塞傾圯若是而能使人文之休昌乎急移鑿

修武縣志

卷五

學校志 學官

六

泮池於櫺星門之外會邑乏令署事者禪輿作之勞且地故民居幼兒老媪訴案前事幾罷適侯邵銓得修令甫下車謝慚然曰此當事廣厲學官至意柰何以若輩致中止乎招居民出囊中金與之曰酬爾直事遂定時郡守詹公丞劉公倅喬公理王公下及學博弟子併鄉民慕義者各捐資佐之共買地東西八步有奇南北二十八步鑿池其中甃甃橋石障以木屏規制宏敞是秋佑卽登鄉書侯喜甚復諭諸弟子曰地靈人傑吾益爲汝成之修大成殿五間東西廡各七間禮門三間櫺星門三間明倫堂五間東西齋房各五間門二座棟

櫺聳遂丹堊映錯於以繼曩時科第之盛不可屈指俟哉周諱夢暘江西吉水人詹諱啟東福建安溪人劉諱應聘山西翼城人喬諱萬里直隸華亭人王諱如堅江西安福人邵諱炯直隸安州人餘悉勒名碑陰

國朝教諭周枚增修大成門暨各工程碑記

略云修武向稱人文藪迺近年來掇巍科登仕籍者寥寥說者曰泮池四周無牆垣以收其氣則渙者不聚也泮池南無正門以疏其脈則隔者不通也戟門之榱桷傾圯明倫堂之牆壁摧頽更無以肅觀瞻而示整飭也南籠劉公來宰茲土慨然曰

修武縣志

卷五

學校志

學官

七

此誠非異人任矣首捐俸若干爰進紳士而與謀若者鳩工若者庀材若者掌出入若者勸捐輸一時踴躍從事者莫不樂襄盛舉焉泮池舊東西九丈公則以其大而無當也迺僅存其三分之一聖域賢關兩坊昔竝峙於泮池之北公則以其逼而未廣也更舉其北者而南之且增以正門益以羣牆而規模宏敞矣戟門三楹明倫堂五間以及齋房院壁則仍其舊制而更新之也是役也經始於己未之春落成於庚申之冬公圖度籌畫無虛日余與同寅張君仲陶以及在城諸首事之朝夕於斯者亦覺心力之俱憊矣事既竣公復偕邑之神

士環顧而色喜曰夫向所謂渙者已無弗聚也隔者已無弗通也頽者已無弗整而摧者已無弗肅也人文庶其興起乎迺余更有說焉事不貴求之於外而貴決之於己諸君子從此奮勉則人傑而地亦靈此又非堪輿之所得而限之也公名建吉字慎修號敬庵以己卯選拔任斯邑余不文謹誌其實使後之人廟者讀遺碑而知所景慕云

姜元吉重修廟學記

略云修武廟學改建自金天會中迄今五百餘年其間興替因革不知凡幾乾隆五年南籠蜀公來宰斯邑首以興學立教爲務鑿泮池築圍牆徙聖

修武縣志

卷五

學校志

學宮

八

域賢關坊建大成門修明倫堂兩齋房名宦鄉賢祠一時壯麗深邃煥然改觀至二十六年秋七月邑被水傾圮殆盡僅存大成殿兩廡戟門櫺星門耳當是時邑侯吳公救災不暇且公費實繁有難以倉卒經理者三十年戈老父師來莅茲土入廟瞻禮不勝惻然謂風俗之未醇由於教化之未彰要皆廟學之制未盡善也朝夕籌畫由舊者新之宜增者建之爰率邑之紳士捐資以襄事首修大成殿兩廡重修戟門又以櫺星門與戟門地勢相通則移建於南聖域賢關坊改爲德配天地道冠古今坊泮池中砌甃橋以通神道大成門闕二櫺

以壯觀瞻門前復疊石爲橋橋之下使人往來橋之上繞以石檻繼以粵牆直達通衢前後甬道平坦爽塏堪輿家謂氣脈綫長者此耳名宦鄉賢兩祠舊在戟門外左右公曰非制也分移於東西兩廡之下而以舊址改爲更衣齋戒所以昭春秋祭祀之誠至於明倫堂兩齋房以及周圍牆垣亦皆締構一新學宮甫竣公又慮學署久廢學官寄居民舍不獲日與士子相接以宣教化而勵風俗遂於明倫堂東西兩署舊址復營建教諭署一十四間訓導署九間完葺整齊蓋至是而公之心力亦云憊矣是役也經始於乾隆三十三年二月越十

修武縣志

卷五

學校志 學宮

九

月而告成公諱雲錦字海文直隸景州世家知縣鄒光會重修文廟記

古者學校之設所以造士而士爲民望亦用以型俗故周官冢宰有曰儒以道得民三代下郡縣莫不有學其整飭而修治之則司牧責也修武學宮在城內西北方自前明至

國朝修葺不一比漸傾圮光會爰進紳士議所以新之僉曰必借眾力迺退而各勸其鄉人光會特捐廉倡首學博張君宗泰郭君湘楊君崙城守營蕭君玉清鹽捕廳陳君紹祖署鹽捕廳秦君華齡協力襄事筮吉興工遴監修者八人馬儀可武重光

謫南星張鵬翔王灼蔣效先李繼文秦懷西或購料或督工或司出納莫不勤勞終始是役也補葺大成殿五楹重修戟門三楹其戟門之東西偏各南嚮房三楹舊爲更衣齋戒所今撤而新之改東爲名宦祠西爲鄉賢祠而另起更衣齋戒所於櫺星門之兩傍又據紳士等呈稱廟前隙地太長氣渙不聚擬改大成門爲照壁且與他處郡縣學宮體式相符遂允其請又德配天地道冠古今坊二泮池橋道一圍牆一百五丈有奇靡不修築其廟前地寬五丈五尺長三十丈有奇直通大街畱爲神道等項重新大成坊存舊蹟也經始於甲申十月

修武縣志

卷五

學校志 學宮

十

告成於乙酉仲冬共費制錢二千九百六十二千零光會竊因是而歎邑紳士之可與有成也抑更有敬相告者諸君旣勸導鄉人成斯盛舉使由是廣爲宣布俾知

聖天子所以立學儲才之意莫非化民成俗之計將見四境內涼薄日革敦龐益崇所謂薰德而善良是亦光會責叨司牧而未敢遽自信者故因捐輸事旣竊願邑紳士更相勸勉焉豈徒以侈美觀哉是爲記道光五年歲次乙酉季冬之吉

正殿

至聖先師孔子

四配位次

復聖顏子 述聖子思子

右東二位

宗聖曾子 亞聖孟子

右西二位

十二哲位次

先賢閔子損 先賢冉子雍 先賢端木子賜

先賢仲子由 先賢卜子商 先賢有子若

右東序

先賢冉子耕 先賢宰子予 先賢冉子求

先賢言子偃 先賢顓孫子師 先賢朱子熹

修武縣志

卷五

學校志 學宮

十一

右西序

兩廡位次 遵乾隆十八年部頒
依史傳案年序次式

先賢

蘧瑗 澹臺滅明 原憲 南宮适 商瞿 漆

雕開 司馬耕 梁鱸 冉孺 伯虔 家語
作處 冉

季 漆雕徒父 漆雕哆 公西赤 任不齊

公良孺 公肩定 鄔單 罕父黑 一作
宰父 榮旗

家語 左人郢 鄭國 原作邦
漢祖諱改 原亢 廉絜

一作 叔仲會 公西輿 一作公百
與名加 邦巽 史記

索隱作邦巽文翁 陳亢 說文
作仇 琴張 步叔乘

廣韻註 秦非 顏會 顏何 縣亶 一作
樂

正克 萬章 周敦頤 程顥 邵雍

先儒

公羊高 伏勝 董仲舒 后蒼 杜子春 諸

葛亮 王通 陸贄 范仲淹 歐陽修 楊時

羅從彥 李侗 呂祖謙 蔡沈 陳淳 魏了

翁 王柏 趙復 許謙 吳澄 胡居仁 王

守仁 羅欽順 黃道周 湯斌

右東廡六十五位

先賢

林放 處不齊 公冶長 公皙哀一名公哲 家語作克

高柴 樊須 商澤 巫馬施 顏幸通典作柳 咸淳臨安

修武縣志

卷五

學校志 學宮

十三

志作

曹卣 公孫龍 秦商 顏高史記索隱云家語名

產今本家語作刻

壤駟赤 石作蜀 公夏首 后處

今本家語誤石處

奚容蒧 顏祖一名相 句井疆 秦

祖 縣成 公祖句茲 燕伋一作紱 樂欬或作欣

狄黑 孔忠或作弗 公西蒧 顏之僕 施之常

申枨 左邱明 秦冉 牧皮 公都子 公孫

丑 張載 程頤

先儒

穀梁赤 高堂生 孔安國 毛萇 鄭康成

范甯 韓愈 胡瑗 司馬光 尹焞 胡安國

張栻 陸九淵 黃幹 真德秀 何基 陳澧

金履祥 許衡 薛瑄 陳獻章 蔡清 呂坤
劉宗周 孫奇逢 陸隴其

右西廡六十四位

謹案明洪武初國學奉孔子木主以仲春仲秋上
丁日遣官致祭至十五年始詔天下儒學通祀孔
子期如國學先期齋戒省牲嘉靖九年詔直省府
州縣學盡易孔子塋像爲木主大成至聖文宣王
改稱至聖先師孔子四配堯國公邾國公沂國公
鄒國公改稱復聖顏子宗聖曾子述聖子思子亞
聖孟子十哲閔子顓孫子稱先賢

國朝因之其東廡舊有四十九位澹臺滅明至左邱

修武縣志

卷五

學校志 學宮

三

明西廡舊有四十八位處不齊至顏哈俱稱先賢
康熙二十五年進宋儒周敦頤程顥張載程頤邵
雍朱熹竝稱先賢公羊高至薛瑄穀梁赤至胡居
仁俱稱先儒顏無繇曾點孔鯉改入啟聖祠申黨
卽申棖去黨存棖蘧瑗林放鄭康成鄭眾盧植服
虔范甯吳澄改祀於其鄉顏何公伯寮秦冉荀况
戴聖劉向賈逵馬融何休王弼王肅杜預俱黜二
十九年巡撫閻興邦題準設俗舞生六十四人禮
部頒樂祭品器儀制圖禮樂錄五十三年以宋儒
范仲淹從祀五十四年遷東廡先賢朱子熹配
十哲之次雍正二年復祀者六人林放蘧瑗秦冉

顏何鄭康成范甯增祀者二十人縣直牧皮樂正子公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澔羅欽順蔡清陸隴其乾隆二年元儒吳澄復祀三年遷東廡先賢有子若配享十哲之次道光二年劉宗周從祀三年湯斌從祀五年黃道周從祀六年陸贄呂坤從祀八年孫奇逢從祀

崇聖祠 謹案宋真宗時追封聖父爲齊國公稱啟聖公與魯國太夫人同遷殿後立廟奉祀元至順中加封王仍崇祀於大成殿西明正統三年裴侃請加伯魚子皙公爵與顏孔父俱配啟聖殿帝下

修武縣志

卷五

學校志

學宮

古

禮部行之嘉靖九年詔天下學宮各建啟聖公祠祀叔梁紇以先賢顏無繇曾點孔鯉孟孫氏配享先儒程珦朱松蔡元定從祀萬曆二十三年又以周輔成從祀

國朝雍正元年追封孔子五代肇聖王木金父裕聖王祈父詒聖王防叔昌聖王伯夏啟聖王叔梁紇設位祠內改啟聖曰崇聖二年以張迪從祀

正位

肇聖王木金父 第一位正中

裕聖王祈父 第二位居左

詒聖王防叔 第三位居右

昌聖王伯夏

第四位次左

啟聖王叔梁紇

第五位次右

同廟異龕
均南向

四配位次

先賢顏氏無繇

先賢孔氏鯉

右東配

先賢曾氏點

先賢孟氏激

右西配

兩廡位次

先儒周氏輔成

先儒程氏珦

先儒蔡氏元定

右東廡

修武縣志

卷五

學校志 學宮

十五

先儒張氏迪

先儒朱氏松

右西廡

禮器

登一 鋤十一 簋三十 簠三十 邊一百二

十二 豆一百二十二 俎二十九 篚二十四

爵七十二 香鼎二十 燭檠三十二 尊八

勺八 祝版一 毛血饗一 胙饗二 盥槃二

巾二

登

古陶器後世范金爲之通高一尺二寸口徑七寸七分腹徑六寸六分足徑八寸一分實太羹

鉶

范金爲之通足高一尺三寸口徑八寸一分腹以下形漸斂三足跨六旁綴兩耳並有螭獸頭面覆

以蓋施三紐實和羹

簋 古陶器後世范金為之高七寸深二寸闊八寸一分腹徑長一尺一分外方內圓上覆以蓋實黍稷古陶器後世范金為之高六寸七分深二寸八分闊五寸腹徑長七寸九分內方外圓上覆以蓋實

籩 古竹器後世范金為之仍肖竹形通足高五寸九分足徑闊五寸一分上深一寸九分上覆以蓋實

豆 古木器後世范金為之仍肖木形高闊如籩有蓋實菹醢等物

俎 以木為之朱漆兩端所以載牲

簠 高五寸長二尺八分闊五寸二分深四寸蓋深二寸八分髹以朱四面中嵌竹絲蓋面描金龍用以盛帛

爵 范金為之通柱高八寸三分深三寸三分口徑長六寸二分闊二寸九分兩柱三足隻耳有流有鑿

香鼎 范金為之古制不一或方身兩耳四足或圓身兩耳三足通身鑄雲雷紋高廣隨宜

燭檠 范金為之重臺三足高

雲雷尊 古陶器後世范金為之兩旁有耳畫雲雷於腹上施蓋形肖荷葉之覆者通高九寸九分

象尊 范金為之通足高六寸八分口徑一寸八分耳闊一寸二分長一寸九分穴背受酒上覆以蓋

犧尊 范金為之通足高六寸一分徑二寸四分頭去足高八寸二分耳高二寸一分五釐闊八分五釐深三寸七分穴背受酒

山尊 范金為之形似壺受五斗刻畫為山雲狀高九寸八分五釐口徑六寸七分五釐深七寸五分

修武縣志 卷五 學校志 學宮 其

用貯配酒

泰尊 陶器通足高八寸二分口徑五寸七分腹徑六寸一分足徑三寸八分深六寸五分用貯哲酒

著尊 古用陶器後世范金為之體質高聳無足脰作夔龍蟠屈之勢腹刻雲雷回旋之狀高八寸四分

分五釐口徑四寸三分腹徑六寸二分深八寸二分用貯哲酒

壺尊分用貯獻兩廡酒

鬯尊古陶器後世范金為之通足高一尺口徑八寸四分是口徑七寸九分

勺古用匏後世范金為之刻首為龍口闊二寸一分深一寸一分柄長一尺二寸九分所以酌尊者

祝版斲木為之高九寸闊一尺二寸朱漆以素紙書祝文黏版上祭畢則揭而焚之

毛血槃范金為之口徑五寸通高一寸五分分中圍盛血口徑一寸高平碟口

胖槃方體以木為之髹以朱承福胖

盥槃范金為槃體圓大小隨宜下置木架體方繪絲髹以漆

巾白布為帳長短闊狹隨宜

修武縣志 卷五 學校志 學宮 七

丁祭殿內陳設圖

尊 罍 爵 盃

左 芡 臠 餅 饈

棗 栗 榛 菱 燭

蠶 蠶 羊

爵 鬯 黍 稻

罍 爵 鬯 登 帛 俎 彘

爵 鬯 稷 梁

蕡 醢 豕

醬 醢 蕡 醢 燭

右 醢 醢 脾 肝 祝版

三 罍 罍 罍

西配陳設圖

			左					
	爵	鬯	爵	鬯	爵	鬯		
	聖	聖	聖	聖	聖	聖		
	黍	稷	黍	稷	黍	稷		
	稻	粱	稻	粱	稻	粱		
	菑	藿	菑	藿	菑	藿		
	麇	麇	麇	麇	麇	麇		
	棗	栗	棗	栗	棗	栗		
	麇	麇	麇	麇	麇	麇		
	羊	羊	羊	羊	羊	羊		
	燭	燭	燭	燭	燭	燭		

東西各二案

修武縣志

卷五

學校志 學宮

文

兩序陳設圖

		左			
	爵	爵	爵	爵	爵
	聖	聖	聖	聖	聖
	黍	稷	黍	稷	黍
	稻	粱	稻	粱	稻
	菑	藿	菑	藿	菑
	麇	麇	麇	麇	麇
	棗	栗	棗	栗	棗
	麇	麇	麇	麇	麇
	羊	羊	羊	羊	羊
	燭	燭	燭	燭	燭

東西各六案

兩廡陳設圖

左

爵

栗

庸

邊

羊

俎

燭

鬯

棗

東廡

爵

黍

簋

帛

棗

稷

簋

爵

蕡

簋

豆

豕

俎

燭

右

東西各一案

修武縣志

卷五

學校志

學宮

九

崇聖祠陳設圖

左

榛

菱

芡

庸

邊

羊

俎

燭

爵

鬯

鉶

黍

簋

稻

簋

帛

棗

崇聖

爵

爵

鬯

鉶

稷

簋

梁

簋

帛

棗

蕡

醢

蕡

鹿

燭

右

蕡

醢

簋

魚

俎


豕

俎

饗

正位五案

崇聖祠 配位陳設圖



四配四案 兩廡二案


修武縣志

卷五

學校志 學宮

三

班位圖



所燦室

樂舞圖

鼓

鼓

琴瑟

笙

洞簫

龍笛

祝

管

琴瑟

瑟

瑟

瑟

瑟

瑟

磨磬

琴瑟

搏

瑟

瑟

瑟

瑟

聖

堂

堂

庭

磨磬

琴瑟

搏

瑟

瑟

瑟

瑟

琴瑟

瑟

瑟

瑟

瑟

瑟

琴瑟

瑟

瑟

瑟

瑟

瑟

鐘

鼓

修武縣志

卷五

學校志 學宮

三

門鼓

引

龍屏 鐙拍板 歌

笙

管

簫

笛

雲

鼓

提

鑪

香

祝

繼

圖

龍屏 鐙拍板 歌

笙

管

簫

笛

雲

鼓

提

鑪

門鍾

班在大成門外轉班與正樂部互為上下上則列
月臺之旁下則列圍橋之上門鍾門鼓迎送神鳴
之

烹調法

附

太羹

白煮牛肉

和羹

用豕肉湯和以肉
絲蔥絲薑絲加鹽

黍稷稻粱

皆洗淨熟
鹿脯用香料酒醬調和煮熟
兔鹿魚醢
蒸乾飯
皆切細片
白餅黑餅每十五箇
脾析用牛切片
豚
煮熟有汁
即豚肘切片
煮熟以上和
菁芹韭筍四菹洗淨各切長寸
微醃不可熟

樂器

晉鼓一 鑪鍾一 楹鼓一 足鼓一 搏拊二
鼗鼓二 鎛鍾一 編鍾十六 特磬一 編磬
十六 琴六 瑟四 鳳簫六 洞簫六 龍笛
六 匏笙六 壎二 篪四 祝一 敔一 麾
二 節二 翟三十六 籥三十六 羽三十六
樂舞

麾旛二人 歌工六人 琴六人 瑟四人 匏

修武縣志

卷五

學校志 學官

三

笙六人 洞簫六人 龍笛六人 鳳簫二人
壎二人 篪四人 鎛鍾一人 特磬一人 編
鍾一人 編磬一人 楹鼓一人 足鼓一人
搏拊二人 鼗鼓二人 祝一人 敔一人 晉
鼓一人 鑪鍾一人 節二人 文舞三十六人
案乾隆八年頒發樂章舞譜在學官不具載

儀注

每歲春秋上丁日致祭先期承祭官率分獻陪祭
各官齊赴文廟階下行一跪三叩頭禮教官滌器
視牲竝瘞毛血至期黎明各官衣朝衣齊集行禮
分獻陪祭各官入兩旁門序立贊引生導承祭官

至盥洗所盥手畢引至臺階下立典儀倡樂舞生就位執事者各司其事分獻官陪祭官各就位贊引生贊就位承祭官就拜位立分獻官隨後立典儀倡迎神倡舉迎神樂奏昭平之章樂作贊引生贊跪叩與承祭官分獻官陪祭官俱行三跪九叩頭禮興樂止典儀倡奠帛行初獻禮倡舉初獻樂奏宣平之章樂作贊引生贊陞壇導承祭官由東階升進殿左門贊引生贊詣至聖先師孔子位前承祭官至案前立贊引生贊跪叩與承祭官行一跪一叩頭禮贊引生贊奠帛捧帛者以帛跪進承祭官跪接帛拱舉立獻畢贊引生贊獻爵執爵

修武縣志

卷五

學校志

學宮

三

者以爵跪進承祭官跪接爵拱舉立跪獻畢行一跪一叩頭禮興贊引生贊詣讀祝位承祭官詣讀祝位立讀祝生至祝案前一跪三叩頭捧祝版立於案左樂止贊引生贊跪承祭官分獻官陪祭官俱跪贊引生贊讀祝讀畢捧祝至正位前案上跪安帛匣內三叩頭退樂作贊引生贊跪叩與承祭官及各官行三叩頭禮贊引生贊詣復聖顏子位前承祭官就案前立贊引生贊跪叩與承祭官一跪一叩頭與贊引生贊奠帛捧帛生跪進帛於案左承祭官接帛拱舉立獻案上贊引生贊獻爵執爵生跪進於案左承祭官接爵捧舉立獻案

上行一跪一叩頭禮興贊詣 宗聖曾子位前如前儀贊詣 述聖子思子位前如前儀贊詣 亞聖孟子位前如前儀其十二哲兩廡兩祠分獻官俱照前儀行禮畢贊引生贊復位承祭官分獻官仍詣 至聖先師位前立樂止典儀倡行亞獻禮倡舉亞獻樂奏秩平之章樂作贊引生贊陞壇獻爵於左如初獻儀贊引生贊復位承祭官分獻官各復位立樂止典儀倡行三獻禮樂奏敍平之章樂作贊引生贊陞壇獻爵於右如亞獻儀贊引生贊復位承祭官分獻官各復位立樂止典儀倡飲福受胙贊引生贊詣飲福受胙位承祭官至殿內

修武縣志

卷五

學校志

學宮

三

立捧酒胙生二人捧至 正位案前拱舉飲福受胙位右旁跪接酒胙生二人左旁跪贊引生贊跪承祭官跪贊飲福酒承祭官受爵拱舉授接爵生贊受福胙承祭官受胙拱舉授接胙生贊引生贊叩興承祭官三叩頭興贊復位承祭官分獻官及陪祭各官俱行三跪九叩頭禮興典儀倡徹饌樂奏懿平之章樂作徹訖樂止典儀倡送神倡舉送神樂奏德平之章樂作贊引生贊跪叩興承祭官分獻官及陪祭各官皆行三跪九叩頭禮興樂止典儀倡捧祝帛饌各詣燎所捧祝帛生至各位前一跪三叩頭捧起祝文在前帛次之捧饌者跪不

叩頭捧起在後恭送燎所承祭官避立拜位西列
候祝帛饌過仍復位立贊引生贊詣望燎位導承
祭官至燎位立祝帛焚訖贊引生贊禮畢退

崇聖祠儀注同正殿不用樂名宦鄉賢二祠同時分

祭儀同兩廡

正殿祭文

乾隆九年頒發

維 先師德隆千聖道冠百王揭日月以常行

自生民所未有屬文教昌明之會正禮和樂節之

時辟雍鍾鼓咸恪薦於馨香泮水膠庠益致嚴於

籩豆茲當

春秋

仲祇率彝章肅展微忱聿昭祀典以

復聖顏子

宗聖曾子

述聖子思子

亞聖孟

修武縣志

卷五

學校志 學宮

三

子配尚饗

孔子先代五王祭文

維 王奕葉鍾祥光開聖緒盛德之後積久彌

昌凡聲教所覃敷率循源而溯本宜肅明禋之典

用申守土之忱茲屆仲

春秋

聿修祀事配以

先賢

顏氏

先賢曾氏

先賢孔氏

先賢孟孫氏尚

饗

國子監則例八月二十七日

先師聖誕本監官員虔辦祭品自行致祭外省府州

縣學竝同

射圃 在學宮東庠門之前道光十五年知縣馮繼

照周圍植柳

學田

原額六頃二十七畝五分現額存地五頃九十一畝坐落官司橋東河北馬廠

教諭分管地段

東馬圈地一段七十五畝東西畛

莊東地一段二十四畝南北畛

莊后地一段四十畝南北畛

菜園地一段二十四畝南北畛

莊西河地一段七畝南北畛

莊西地一段二畝南北畛

修武縣志

卷五

學校志 學宮

三

西莊后地一段三十畝東西畛

大窪南地一段二十畝東西畛

大窪中地一段五畝東西畛

大窪地一段十六畝東西畛

李墳地一段二十畝東西畛

夾河地一段十二畝東西畛

莊房場二據地七畝五分

訓導分管地段

莊東地一段六十畝東西畛

莊東地一段二十四畝南北畛

莊后地一段四十畝南北畛

莊西騎路地一段二十四畝南北畛

莊西地一段七畝南北畛

西莊后地一段九畝東西畛

小窪地一段十八畝東西畛

新河地一段十六畝東西畛

大窪地一段二十畝東西畛

李墳地一段二十畝南北畛

菜園西騎路地一段四十畝南北畛

大窪又地一段五畝東西畛

西莊又地一段二畝南北畛

夾河地一段十二畝東西畛

修武縣志

卷五

學校志 學宮

三

莊房場二揲地八畝

頒貯書籍

上諭二十九冊

聖諭廣訓直講一本 續增條例一部

御製訓飭士子文一本 周易折衷全部

欽定四書文一部 書經傳說全部

上諭清漢二本 春秋傳說全部 詩經傳說全部

聖諭廣訓一冊 性理精義全部 明史綱目全部

御批通鑑綱目全部 十三經注疏全部 二十一史

全部 明史全部 朱子全書一部 孝經衍義

一部 古文雅正一部 大清律一部 律例較

正各條一部 續纂條律一部 外官相見儀注
八卷 學政全書二冊 學官備考八冊 大成
侑舞式圖一冊 科場條例八冊 南北游草一
冊 義正遺規一冊 蠶務成規二冊 駁呂雷
良四書講義二十三冊 呂語集粹四卷 部發
書目價值三冊

學額

廩生缺二十名 增生缺二十名 額進文武生
各十二名

鄉飲酒禮

每歲正月十月朔舉行前一日執事者於儒學之

修武縣志

卷五

學校志

鄉飲

三

講堂依圖陳設坐次司正率執事習禮至日黎明
執事宰牲具饌主席及僚屬先詣學遣人速賓僕
以下比至執事者先報日賓至主席率僚屬出迎
於庠門之外揖入主居東賓居西三讓三揖而後
升堂東西相向立贊兩拜賓坐執事者又報日僕
至主席又率僚屬出迎揖讓升堂拜坐如前儀賓
僕介至既就位執事者倡司正揚解執事者引司
正由西階升詣堂中北面立執事者倡賓僕以下
皆立倡揖司正揖賓僕以下皆揖執事者以解酌
酒授司正司正舉酒日恭惟

朝廷率由舊章敦崇禮教舉鄉飲非為飲食凡我長幼

相勸勉爲臣盡忠爲子盡孝長幼有序兄友弟恭
內睦宗族外和鄉里無或廢墜以忝所生讀畢執
事者倡司正飲酒飲畢以解授執事者倡揖司正
揖賓僕以下皆揖司正復位賓僕以下皆坐倡讀
律令執事者舉律令案於堂之中贊禮引讀律令
者詣案前北面立倡賓僕以下皆立行揖禮如前
讀畢復位執事者倡供饌案執事者舉饌案至賓
前次僕次介次主三賓以下各以次舉訖執事者
倡獻賓主起席北面立執事斟酒以授主主受爵
詣賓前置於席稍退贊兩拜賓答拜訖執事又斟
酒以授主主受爵詣僕前置於席交拜如前儀畢

修武縣志

卷五

學校志 鄉飲

三

主退復位執事者倡賓酬酒賓起僕從之執事者
斟酒授賓賓受爵詣主前置於席稍退贊兩拜賓
僕主交拜訖各就位坐執事分左右立介三賓眾
賓以下以次斟酒於席訖執事者倡飲酒或三行
或五行供湯又倡斟酒飲酒供湯三品畢執事者
倡徹饌候徹饌案訖倡賓僕以下皆行禮僕主僚
屬居東賓介三賓眾賓居西贊兩拜訖倡送賓以
次下堂分東西行仍三指出庠門而退凡鄉飲酒
禮所以序長幼崇賢良別姦頑也齒德俱優者居
上高年者次之以次序齒而坐作姦犯科者不與
與者以違制論其有誼譁失禮者揚解者以禮責

之縣主位東南大賓以致仕官為之位西北僕擇鄉里齒德並茂之人位於東北介以次長位於西南三賓以賓之次者為之位於賓主介僕之後除賓僕外眾賓序齒列坐其僚屬則序爵司正以教職為之主揚觶以罰贊禮者以老成生員為之鄉飲賓

明

秦紳 秦紀 秦綬 張伯祿

薛佩 薛璧 吳松 石定

趙璜生員 秦雲鳳 吳自新 龐宰

遂祥 薛鑰 張州 張沼

修武縣志

卷五

學校志 鄉飲

三

張鎔 秦尙義 石鑰 范應節

鄭世功 牛應端 秦尙志 賈照

郟邦器 張珍 路崇道 郭萬銀

董三友 吳自彊 吳振宇 馬瀾

國朝

宋作梅生員 范尙縞生員 龐繼仁生員 王鳳鳴生員

崔繼善 范正繩 郭養魁 吳文錦

趙乘珍生員 吳嘉遇生員 吳鳳翔生員 范培昌生員

侯毓岱生員 王建業生員 王國寶 張治家生員

王遍生員 范淑拔貢 張九則

甯城書院 在東門外乾隆四十五年知縣吳居瀨

易三官廟基勸建道光五年知縣鄒光曾捐俸重修設立講堂添兩廂齋舍紳民亦競出資以助於是弦誦之聲不輟矣

知縣吳居澳改建義學記

義學之設原以佐學之所不及而相與造士以有成也然非好義者維持振作於其閒則難以歷久而不替修武爲懷名邑義學由來舊矣予初蒞任案其經費無出欲謀所以興之而未有所藉手邑紳士范元等以所爭馬廠地請予因諾其言而往勘焉蓋馬廠爲勝國藩封牧馬之遺久漸蕪沒

本朝雍正年間第取其成熟之地撥幫兵餉近丹沁

修武縣志

卷五

學校志 書院

三

水溢淤泥積成膏沃侵種者輒私相授受以致結訟不休予爲區分上中下三等詳憲取稅盡以所餘歸之學而公憤以紓公事亦緣以辦願贍學有資而肄業無所非古者士與士言之意城東有荒基僅存古廟僉曰變而通之可矣遂遴精幹者范振聲等董其事經營甫定而郡憲康公茂園至康名進士也主持風教念切來學嘉予有是舉也曲爲成之以新置宅易舊存廟多方改築不遺餘力臨街建坊額曰南陽講塾內院講堂湫隘設法爲之增拓恢恢乎前後左右靡不軒舉矣考邑乘昌黎韓公實生斯土爲先世大儒山川靈淑之氣何

代無賢而忍自畫哉有志者其挺然卓立歲聘名師課佳子弟沈酣經史安見事業文章古今人之不相及也則所以上副

聖天子菁莪棫樸之化與庠序學校而俱永者吾將於此焉是望是役也經始於四十二年季春越三載而成其費緡錢若干俛助者例應得書爰刻石以垂不朽云乾隆四十五年十月吉日

懷慶府知府康公基田告諭

爲示諭事照得修武倚山帶水土風清淑民氣樸質伊古以來代有偉人本府因公履境與大尹暨邑人士謀建甯城書院相度經營咄嗟而成於此

修武縣志

卷五

學校志 書院

三

見風氣近古而多士之可與有成也竊願以所聞進多士而告之夫民俗之盛衰視乎士風士風之不振在岐文與行而二之文風之不振在岐讀書與作文而二之文人競趨浮華羣士唯誦墨義信道不篤束書不觀故其人不足爲有用之人其文不足爲有用之文所謂一舉而兩失也歷觀前世如甯嬴之知幾張公儀之識變張文恭之世有清節薛時卿之宗主孔孟范繼仁之義田陸族范介子之賑貧輸逋光耀志乘卓絕倫等皆能以經術行其所學不苟爲文章馳騁之能卽以文論韓子云根之茂者其實遂膏之沃者其光煜又曰唯陳

言之務去古人修辭立誠言之無物理不真而氣自不壯也若四子之理不精經傳史漢之文不熟雖誦帖括萬首何益於事譬如造酒經史米也今之墨義糟也米固非酒而酒從米出酒出於糟而糟已無酒取他人之糟而更漬之則水而已剽竊陳言何異於是又如人心本無定見謬爲由中之言以飾己說聞者皆笑其誣也諸生生長名區應以古賢自期以讀書明理爲要文不求工而自工處爲善良出爲循卓士先立志豈有他哉特諭知縣鄒光曾重修甯城書院記

修武縣古甯城也書院之以是名蓋肇自乾隆四

修武縣志

卷五

學校志 書院

三

十五年前邑令吳君居澳營造之郡伯康公基田董成之在東郭外文昌祠右正室三楹內奉韓文公木主示景仰也前卷棚及大門皆稱之臨街坊一座額曰南陽講塾其西偏院北房六楹西房三楹厥制舊矣歲壬午孟春

光曾

承乏是邑展謁神

祠旣周覽其地棟宇垣墉半就傾圮修墜舉廢非守土者之責邪特下車伊始案牘糾紛經畫非易故每月暫於署內課諸生童文越乙酉春迺出俸錢首倡紳士等莫不出資襄事於以庀材鳩工凡五閱月而觀厥成缺者補廢者興廓其基址建新葺舊共得房四十二間改卷棚爲講堂添兩廂作

齋舍山長下榻有所多士退省有居以及門屏之
洞達坊額之輝煌釐然畢具豈祇誇規模完整為
一邑觀美云爾哉蓋將使肄業院中者游焉息焉
本道德而發為文章以備

國家之用也天下名之所在即實之所歸士亦期不
愧於古之人耳文公當代大儒也作進學解以教
國子非奕世學者圭臬歟欽惟我

聖朝壽考作人聲教四訖被日月之光華幾二百年於
茲矣苟束修砥礪以有本之實學為有用之鴻文
所稱馮翼孝德必將有媲美前賢蕩蕩然繼卷阿
鳴鳳之盛者即謂唐代以來先儒遺教猶留於斯

修武縣志

卷五

學校志 書院

書

奚不可哉是則守土者厚相期許之意且以徵是
邑風為近古也道光五年歲次乙酉初秋之吉

書院地畝

馬廠地三段七頃七十二畝二分零內分上地五

九畝二分三釐八豪六絲九忽中地五十八畝
零八釐零九絲六忽下地一頃九十四畝九分
一釐六豪一絲二忽 大隄屯地八段共地四十九畝九分

零 三頃半地一段二十畝 東板橋地一段六

畝一分 冀莊地一段七畝 方莊地二段共地

十三畝 岡上地一段十畝 小盧莊地一段二

十畝 寺河地一段十畝 交子口地一段七畝

部屯地八畝共地一頃五畝 三里屯地一段四

十七畝 臥龍岡地四段共地十三畝七分零
周莊地三段共地二十五畝六分零 張弓鋪地
十一段共地五十七畝零 楊樓地四段共地二
十八畝七分零 馬莊地六段共地三十畝八分
零 張弓邨地一段二十五畝 平陵邨地一段
三畝 鐵匠莊地一段十畝 李萬地一段五畝
定和地一段三畝 店後地一段十畝 新店地
一段十三畝 郇封地一段十五畝 藍封地一
段七畝 葛莊地二十二段共地一頃三十九畝
四分零 耿作地一段三畝
以上共地一十五頃零五畝三分一釐二豪

修武縣志

卷五

學校志 書院

三

書院生息錢文

道光七年知縣鄒光曾倡捐錢四百千勸紳民捐
錢二千二百千發兩當每月案一分生息 九年
又勸紳民捐錢四百千發兩當每月案九釐生息
道光十年知縣趙銘彞勸貢生蔣效先生員范子
純捐錢五百千 十一年又勸監生薛世登捐錢
五百千發兩當每月案一分生息
道光十七年知縣馮繼照捐錢二百千發兩當每
月案一分生息
以上共錢四千二百千

義學

元晉宣路霍州儒學正李天秩修武縣鄉學記

古者庠序之制自王宮國都下逮閭巷草野莫不有學所以明人倫敦教化崇四術修六藝育人材爲邦家立太平之基也歷漢唐而下暨聖元文教興隆學校之設遂徧天下德澤旁洽比屋可封故爲政者欲化民成俗崇尙儒術熏陶浸漬使人遷善遠惡可謂知所先務矣至大己酉夏四月晉宣閻公承事來尹是邑於茲三載公務之暇銳意斯文交游耆德擗拔士流窮性理之淵源覽經文之蘊奧是以廟學文教燦然作新公嘗曰農亦吾民也何膏馥之未及慨然因鄉社之有庠舍者憫其

修武縣志

卷五

學校志

義學

三

卑沔墊隘遷徙無常而欲改作之越明年冬十月俾各鄉之長勸率農民口瓴甕備梓材均力役擇爽塏之地而葺黌舍各以三楹規模適可戶牖咸備築垣墉以圍之樹門楣以扁之使師儒有藏修游息之歸衿佩有講肄弦誦之所三餘之隙延儒之有道者主領傳授朝夕相與講明正學庶可開曠蒙化薄俗彬彬然有齊魯之風旣落成之民亦樂其樂而利其利是中外共霑洙泗之餘波也彼有以儒自名挾兔園冊而爲教有誤於後學者來登斯堂豈不愧哉嗚呼公自下車政號廉平治尙清簡不生事以厲眾不違道以售名其風流偉績

別有以書之公之至以子衿廢學校爲所憂以夫
公興學爲己任誠如是則上不失國家崇儒重道
之意下不失憲司宣教勵學之方佗日英材輩出
實自公之權輿也後之爲政者能以公之心爲心
因其已成之跡而增飾之則永爲隸官之舍雖勢
力者亦不能奪焉時主簿張公請刻諸石以誌茲
事辭不獲免謹以蕪陋紀其歲月云

至大四年

碑陰

七賢鄉 李固邨社長劉成等二社邨心張昌地
內蓋學舍一所三間 馬坊邨社長口順邨心官
地內蓋學舍一所三間 五里源邨社長劉顯邨

修武縣志

卷五

學校志 義學

三

心廟地基上蓋學舍一所三間 蔣邨社長王聚
邨心官地內蓋學舍一所三間 孟邨社長陳榮
邨心自己地蓋學舍一所三間 張下莊社長申
明貴邨心呂三地內蓋學舍一所三間 申郭邨
社長王榮自己地內蓋學舍一所三間 南王坊
社長趙茂邨心官地內蓋學舍一所三間 樂安
邨社長孫成邨心官地內蓋學舍一所三間 東
王口社長白成邨心口口口院內蓋學舍一所三
間

六真鄉 大陸邨社長王玉信等二社河西官地上
蓋學舍一所三間 安陽城社長王珪邨心官地

上蓋學舍一所三間 西馮營社長竹欽本邨官
地上蓋學舍一所三間 張陸邨社長□□邨心
官地上蓋學舍一所三間 黃母泉社長司□邨
心官地內蓋學舍一所三間 弓苟莊社長□□
邨心官地上蓋學舍一所三間 梗邨社長司
林邨心官地上蓋學舍一所三間 岳邨社長楊
成邨心官地上蓋學舍一所三間 岳邨社長楊
英邨心官地上蓋學舍一所三間 王賈邨社長
口德於南陸邨官地上蓋學舍一所三間 衛邨
社長何清邨心官地上蓋學舍一所三間 段邨
社長路德邨心官地上蓋學舍一所三間 梗邨
社長王聚本邨官地上蓋學舍一所三間
孝義鄉 北孔莊社長崔德讓邨心文廟內學舍
一所三間 大玉邨社長李聚邨心文廟內學舍
一所三間 南孔莊社長鄧福邨心官地上蓋學
舍一所三間 陳邨社長成林邨心宋大地內蓋
學舍一所三間 萬斛邨崔成邨心蓋學舍一所
三間 小王邨社長吳順邨西官地上蓋學舍一
所三間 恩邨社長李恩邨心官地內蓋學舍一
所三間 出門邨社長張貴邨心自己地上蓋學
舍一所三間 北馬邨社長姬□邨心蓋學舍一
所三間 張弓邨社長趙顯邨□□□□上蓋學

修武縣志

卷五

學校志 義學

舍一所三間 辛邨社長張慶邨西北學舍一所
三間

安信鄉 恩邨店社長魏禮鄭全南恩邨李興王
住邨賈珍就本店文廟東西兩廡學舍六間 城
內邨社長崔顯閻順邨心官地上學舍一所三間
中子邨社長邢憲邨心本家院後學舍一所三
間 嘉禾邨社長司元邨心張大地蓋學舍一所
三間 焦家作社長司順邨□□□蓋□□一所
三間 □□邨社長□□□邨心官地上蓋學舍
一所三間 當陽邨社長王德邨□□□□地
內學舍一所三間

修武縣志

卷五

學校志 義學

三

孝廉鄉 □□邨社長王忠邨心□□□學舍一
所三間 □□邨社長郭成莊東南自己地上學
舍一所三間 □□邨社長陳□邨下□□邨心
眾人戶地內學舍三間 嘉禾邨社長韓斌本邨
馮二院內學舍一所二間 宣太下社長□正本
邨□六院內□學舍一所三間 南霍邨社長□
□社下北霍邨范社長□□一所三間 東苟邨
社長劉廣邨心□學舍一所三間 王褚邨社長
吳德□□內蓋學舍一所三間 南苟邨社長□
□邨心□□□□蓋學舍一所三間 組邨社
長殷林心劉□地內蓋學舍一所三間 北中秦

社長□□卹□□□蓋學舍一所三間
□仁屯社長李榮□□□心眾人戶地內學舍一
所三間 西□陵社長□□卹心自己地上蓋學
舍一所三間 南□卹社長楊榮卹心吉□地上
蓋學舍一所三間

普□鄉 □□卹社長張林卹心□西地上蓋學
舍一所三間 曹北孟社長黃亨卹東自己地上
蓋學舍一所三間 卹封卹社長鄭瑞卹□官地
上蓋學舍一所三間 南衛卹社長陳用卹心自
己地上蓋學舍一所三間 雁門卹社長王成卹
□大地上蓋學舍一所三間 南文安社長范顯

修武縣志

卷五

學校志 義學

學

卹心自己地上蓋學舍一所三間 □□卹社長
郝□卹□官地上蓋學舍一所三間 孫卹社長
元德卹心自己地上蓋學舍一所三間 習卹社
長□又心官地上蓋學舍一所三間 高卹社長
苟玉卹心閭秀才地上蓋學舍一所三間 延陵
卹社長□□卹心王秀才地上蓋學舍一所三間
王卹社長劉元東官地上蓋學舍一所三間

現在義學

西關湯王廟義學一所 西水寨地七段共地十
八畝五分零 五里源地十段共地六十畝零
零 韓莊地八段共地三十畝零 案上地九段

其地十八畝六分零 安莊地一段二十二畝一分零 花滿坡官荒一段一頃二十畝 東萬斛地一段十三畝八分 北俎近地一段十一畝

以上其地二百四十五畝九分八釐六豪

張弓鋪義學一所 在縣西十二里本邨有地六十六畝

楊理莊義學一所 在縣西十五里本邨有地四十畝零三分

蘇蘭邨義學一所 在縣西二十八里本邨有地三十五畝零

承恩鎮義學一所 在縣西三十五里本邨每年

修武縣志

卷五

學校志 義學

聖

捐錢五十千文

窪邨義學一所 在縣西南十二里本邨每年捐錢十八千文

北俎近邨義學一所 在縣西南二十五里本邨有地四十八畝

周劉邨義學一所 在縣南十二里本邨有地三十九畝

郇封邨義學一所 在縣東南十二里本邨每年捐錢二十千文

宣陽驛義學一所 在縣東南十八里本邨有地三十畝

朱家營義學一所 在縣東五里本邨有地四十

五畝 道光十七年知縣馮繼照立

五里源義學一所 在縣東北二十里本邨有地

六十七畝

安陽城義學一所 在縣北二十五里本邨每年

捐錢二十千文

皇母泉義學一所 在縣西北十五里本邨有地

五十二畝 道光十六年知縣馮繼照立

鄧莊義學一所 在縣西北十五里本邨有地五

十九畝

修武縣志

卷五

學校志 義學

望